

Хө гарутулшго аргъ хөөч болгънд бәәнә

Хөөнә ноосиг цеврәр бәрхин боли хөөг цагъан өвснә зөөгин гемәс харсхин эркд, цагъан өвстә газрин идгиг медж, зөөглад уга цагтнь орулдж идүлджәх кергтә. Хаврин эклцәр, намрар боли зуна цагт, хур икәр орсна хөөн, гашун газрин идгт хөд хәрүлдж болш уга, юнъгад гихлә, чингтә газрин өвсн унъгтагъан сөнъград, түүг дахдж йовсн шаврта хамдан идгддмн, тер учрар хөөнд геснә гем ирад, муурад, үкдг саам олн бәәнә.

Хөөг ясад, таргълулхар седхлә, нег хөөнд өдр болгън 20-д грамм давс телү чигә цердлә негдүләд эрк биш өгчәх кергтә. Давсиг могълцгар долалгъад, цердинь омшлад өгч болхмн. Хөн малд эн дегд таалта, эм әдл чинртә болдмн. Цуг эн хамгиг мартл уга, данъгинд ухалдж-тоолдж, отарин көдлмш бүрдәхлә, хөөг сәәнәр ясрулад, гаругъинь кевтнь уурулдж болхмн.